

A. E. Nordenstål  
Köpt: Verona 1888  
45 fr.

100  
100  
100

ILLVSTRISSIMIS  
CLEMENTISS. q; PRINCIPIBVS,  
**VVILHELMO**  
ET  
**IOANNI VVILHELMO,**  
DVCIBVS IVLIACENSIBVS, CLI-  
VENSIBVS & MONTENSIBVS,  
COM.MARCHIÆ & RAVENSPVR-  
GI, DOMINIS IN  
RAVENSTEIN,&c.

**P A T R I & F I L I O**  
DOMINIS SVIS CLEMENTISSIMIS  
GRATITVDINIS  
ERGO

GERARDVS MERCATOR  
R VPELMVNDANVS,  
IN PERPETVAM MEMORIAM  
DEDICAT CONSECRATq;



### In Effigiem carmen.

**G**erardus Mercator erat sic cognitus orbi,  
 Duysburgi raperet cum fera parca virū.  
 Ottanos decies, binosq; exegerat annos,  
 Et menses octo, tresq; nouemq; dies.  
 Doctus erat verè, pius, integer, omnibus equis,  
 Ingenio dexter, dexter & ipse manu.  
 Sidera cum terris coniunxit, sacra prophanis  
 Addidit, at rectè fecit utrumq; tamen.  
 Astra Mathematicus radio descripsit acuto,  
 Et dedit in paruo conspicienda globo.  
 In tabulas terra spaciosum contulit orbem,  
 Inq; globo mundi regna videnda dedit.

Et ne quid cali studijs, terraq; deesset,  
 Historiam docuit tempora certa loqui.  
 Sacraq; detexit vatum mysteria, Christē  
 Pracones iussit quattuor ire simul.  
 Atq; ea sc̄ fecit superos ut vinceret omnes  
 Artifices, proprio marte, manuq; sua.  
 Fælix prole sua, natisq; nepotibus ex se,  
 Spem gratæ certam posteritatis habet.  
 At quod Christe tuum seclatus ouile, beatus  
 Perpetuo tecum pascuata leta capit.  
 Et quamvis placuisse Duci non infima laus sit,  
 Attamen est maior laus placuisse Deo.

Benevolentiae ergo Bernardus Furmerius Leonardiensis  
 Licentiatus Iuris, mæstus scribebat.

# V I T A

## CELEBERRIMI CLARISSIMIq; VIRI

### Gerardi Mercatoris Rupelmundani,

à Domino Gualtero Ghymnio, Patricio Teutoburgensi, ac eiusdem oppidi antiquissimi Prætore dignissimo, conscripta.

**G**erardus Mercator Illustrissimi Principis Iuliæ, Cluiæ, Montis, &c. Cosmographus longè exercitatus, editus est in lucem anno millesimo quingentesimo duodecimo, quinta Martij, sub auroram, hora sexta, à parentibus Iuliacensibus videlicet Huberto Mercatore, & Emerentiana eiusdem uxore, Rupelmundæ in finibus Comitatus Flandriæ, apud illius patruum Gisbertum Mercatorem eiusdem oppidi pastorem vigilansimum commorantibus. Cumq; pueritiam egressus esset, primaq; rudimenta latinæ linguæ in patria vtcunq; didicisset, missus fuit à prædicto suo patrulo Buscoducum, vt ibidem in domo fratrum Grammaticæ studiū absolviceret & initia dialecticæ addisceret, deditq; hisce literis operam sub Georgio Macropedio, sumptibus & impensis superioris pastoris, annis (ni fallor) tribus cum dimidio. Hinc ablegatus est ab eodem ad celeberrimam academiam Louaniensem, ibiq; in collegio Porci in coniunctu constitutus, artibus humanioribus tantisper operam accommodauit, donec Magisterij gradum adeptus esset: post promotionem annos aliquot, cum singulari quadam animi delectatione, in studijs philosophicis sece exercuit priuatim, ceterum cum hoc studij genus, ad alendam familiam, impar illi in posterum videretur, sumptusq; grauiores in prosequendo exigeret, priusquam huiusmodi fastigium consequi posset, vt inde amplum lucellum sibi, suisq; polliceri potuisset: deferto igitur studio philosophico, animum ad Mathesin adiecit. Hisce disciplinis tam diligentem laborem impendit, vt intra paucissimos annos illius rudimenta, apud quosdam studiosos priuatim profiteretur, instrumentaq; mathematica, videlicet, Spheras, Astrolabia, annulos astronomicos, & eiusdem generis alia, ex ære paulatim fabricaret & conficeret. Anno ætatis sua vigesimo quarto à nativitate vero nostri redemptoris Christi, supra millesimum quingentesimum, trigesimo sexto, initio septembribus, Vxorem ibidem duxit, Ciuiem Louaniensem, nomine Barbaram Schelleken, quæ illi succendentibus annis sex proles, videlicet tres filios totidemq; filias pèperit. Mercatore autem animaduertente quod tam fœlicem progressum in artibus Mathematicis faceret, vt ingenij sui vires magis excoleret, cœpit ad sculpendas tabulas animum applicare, vtq; ea in re exercitatiō fieret, initium huius laboris sumpsit, & exorsus est Louanijs à descriptione terræ sanctæ, quam deinde multorum cum admiratione anno Domini trigesimo septimo absoluit, & in publicum prodire curauit. Has suas (tabularum geographicarum) primitias Ornatiſſimo viro Francisco Craniuello, Inuictissimi Imp. Caroli Quinti Consiliario, inscripsit. Præceptorem in superioribus disciplinis neminem (vt mihi saepius retulit) habuit, sed solummodo priuata instructione, celeberrimi quondam Doctoris Gemmæ Frisij (qui tum temporis, inter eximios Mathematicarum disciplinarum cultores, in vniuersa inferiori Germania facile habebatur) usus, magna animi alacritate) Mercatoribus quibusdam vrgentibus) Flandriæ descriptionem meditatus & aggressus est, breuiq; temporis interuallo ibidem expeditiuit. Absoluta Flandria libellum de literarum latinarum (quas Italicas cursoriasq; vocant) scribendarum ratione, anno 1541 Antwerpia euulgauit. Cumq; tirocinium suarum artium passim à doctis viris commendari intelligeret, mox alterum opus, videlicet globi terrestris sculpturam, suscepit atque inchoauit, vniusque aut alterius anni curriculo, videlicet anno quadragesimo primo prædicto, hanc operam fœlicibus aubus absoluit, & amplissimo grauissimoq; viro Domino Nicolao Perenotto Domino a Granuella prædicti Cæs. Caroli Quinti, secreti consilij Consiliario longè dignissimo dedicauit. Interea temporis ex huius clarissimi viri commendatione peruenit in notitiam prænunciatam Imperatoris, fœlicissimæ recordationis Caroli Quinti, illiusq; Maiestati, quam plurima instrumenta mathematica artificiosissimè fabricauit parauitque, quæ in bello Saxonico, non procul ab Engelstadio in Ducatu Bauariæ, in horreo quodam (vt illi Imperator post redditum ex Germania Bruxellis retulerat) igne ab hostibus clam succenso, liquefacta & consumpta fuerant, quapropter iussit sibi per Mercatorem confici noua. Interiecto decennij interuallo, alterum globum, quo cœli planetarum ac cœlestium signorum constitutionem complexus est, in publicum emisit, & Reuerendissimo ac Illustrissimo Domino Georgio ab Austria, Episcopo Leodiensi &c. anno quinquagesimo primo Louanijs inscripsit. Eodem quoq; tempore conscripsit libellum de vsu globi ad Carolum Quintum Imp. item de vsu annuli astronomici tractatulum. Anno sequenti videlicet quinquagesimo secundo Louanio ex Ducatu Brabantia, huc Duysburgū in Cluiæ, cum superiore charissima uxore, & suauissimis liberis commigravit, habitatumq; venit. Cumq; sedem hic apud nos in nostra vicinia fixisset, paulo post iussu eiusdem Imperatoris, duos exiguos globulos, vnum ex purissimo Cristallo conflari: alterum ex ligno confici curauit: in illo planetarum sydera, cum præcipuis signis coelestibus, adamante incisa, auroq; illuminata, & inducta erant: hic orbis terrarum descriptionem (quantum orbiculi angustia ferebat, quæ globi magnitudinem, quo pueri in circulo ludunt non excedebat) exactissimam continebat, quos ipsem et cum alijs



alijs

alijs quibusdam mathematicis instrumentis, Imperatori prænominato Bruxellis obtulit. Priusquā autem Louanio discederet, auspicatus erat Europæ descriptionem, tabulasq; tres vel quatuor ibidē perfecerat, cæteras (allatis secum æneis tabulis) cum hic habitatum veniret, biennij spacio scilicet quinquagesimo quarto anno, mense Octobri absoluit & euulgauit, atq; Attrebatensium præsuli reuerendissimo domino, Domino Antonio Perenotto Imp. Maiestatis Consiliario primario, Nicolai (cuius superius mentionem honorificam fecimus) filio, opus dedicauit, huius heroici animi magnificentiam, & insignem liberalitatem in honorario, quod illius amplitudo, pro inscriptione prædictarum tabularum illi contulit, re ipsa expertus est. Eandem hanc Europam hic Duysburgi e-mendauit anno 1572. Mense Martio. Quod opus tantis laudibus à doctissimis quibusq; viris passim effertur, vt vix simile in Geographia, in lucem vnq; prodijse videatur. Rebus suis hoc modo constitutis, oblata est illi ex Anglia, à singulari quodam amico, Britannicarum insularum descriptio, magna diligentia, summaq; fide congesta, rogans vt tabulis æneis incideretur, quod amico suo de-negare non potuit, & tam absoluто, doctorumq; hominum conspectu, digne operi, manum subducere iniquum putauit; hanc igitur prouinciam suscipiens, anno sexagesimo quarto prælo com-misit, Eisdem fere temporibus Ducatum Lotharingiæ, Duce illius veniam à nostro Principe illi im-petrante, oppidatim ac per singulos pagos accuratissimè per stationes dimensum, post redditum ca-lamo exacte descripsit, siveq; celitudini Nancei obtulit, quæ profectio cum tanto vitæ discrimine coniuncta fuit, adeoq; vires illius debilitauit, vt parum absuerit quin ex terrore grauissimum mor-bum sibi conciliasset & animi perturbationem incidisset. Quadriennio interposito videlicet, sex-a-gesimo octavo suam Chronologiam (cuius infra latiorem mentionem faciemus) in publicum pro-dire (typographo cum amicis vrgentibus) passus est. Breuissimo temporis curriculo intercedente, nouum opus, scilicet vniuersi orbis exactissimam descriptionem, in amplissima forma intuentum doctorum hominum, ac peregrinantium, & nauigantium oculis, conspectuiq; exhibuit, atq; pro-posituit, (inuentione noua & conuenientissima spheram in plano extendendo, quæ sic quadraturæ circuli respondet vt nihil deesse videatur, præterquam quod demonstratione careat, vt ex illius ore aliquoties audiui,) nulliusq; alterius in tam vasto opere, usus est subsidio vel ope, sed propria manu, quicquid in tabula conspicitur sculpsit, lymbo solummodo excepto: {Deoq; illius labores, ac conatus fortunante anno sexagesimo nono, mense Augusto, augustissimo operi, finem hic Duys-burgi imposuit, ac illustrissimo Principi Guilielmo Duci Cliviæ &c. Clementissimo Domino suo inscribere æquissimum esse putauit iudicauitq;. Absolutis prædictis tabulis, animum ad instauran-das & à mendis repurgandas, Claudij Ptolomæi (qui sub Antonio Pio Imperatore floruit) olim ædi-tas tabulas, adiecit, veteremq; Geographiam ad mentem autoris tanta diligentia restituit, ac emen-dauit, vt hoc nomine eximiam commendationem optimo iure, à liberalium artium, ac mathema-ticarum disciplinarū cultoribus promeruerit: Huic labori operiq; colophonem addidit atq; impo-suit, anno septuagesimo octavo, mense februario, dedicauitq; Illustrissimo ac Clementissimo Prin-cipi nostro piissime memoriæ, bonorū studiorū, mecenati præstantissimo. Ad hæc tametsi longè ante Abrahamum Ortelium, ideas quasdam mente concepisset, de edendis alijs tabulis generalibus ac particularibus totiusq; mundi situm, in minorem formam redigere animum induxisset, & quodā-modò exemplaria aliquot in bono numero, calamo depinxisset ac pro debita proportione, loco-ru m distantias dimensus esset, ita vt nihil amplius restaret, quam vt æneis tabulis inciderentur quā-doquidem tamen prædictus Ortelius singulari amicitia ac familiaritate illi iunctus esset, distulit igitur de industria, eatenus & tantisper inchoatum laborem, donec exemplaria sui orbis, Theatro in copiosissimo numero, cum magno facultatum ac fortunarum suarum incremento, vendidisset, priusquam suas prædictas minores tabulas in lucem emitteret. Ne autem diutius multorum docto-rum virorum expectationem vana spe fraudaret, res suas ita composuit, ac instituit, vt anno octua-gesimo quinto vniuersæ Galliæ & Germaniæ tabulas, mense Augusto hic Duysburgi imprimi cura-uerit, & Generosissimo ac Serenissimo Principi Iohanni V Vilhelmo, præsenti Duci nostro cle-mentissimo inscripserit, & dedicauerit. Hisce peractis Italiae generalem ac particulares tabulas æri insculpere aggressus est, prosperoq; successu, anno nonagesimo mense Aprili, easdem absoluit, & Potentissimo ac Serenissimo Ferdinando Medici Duci Etruriæ dedicauit. Paulo post, ex ordine Septentrionalium prouinciarum descriptionem exorsus erat, & non contempnendum progressum in ijsdem fecerat; cæterum fata illi huius operis absolutionem ac euulgationis commodum inuide-runt: illius heredes vero (vt Lector in sequenti opusculo vides) intuentum oculis easdem exhi-bent. Chronogiam quoq; prædictum plurimum auxit antiquitatibus & demonstrationibus; item libellum de arte geographia conscripsit quæ illius heredes propediem se in lucem emissuros sperat. Quod si illi Deus vitam longiorem atq; valetudinem concessisset, decreuerat partes Occidentales videlicet Hispaniam cum Portugalia in minores tabularum formas quoq; redigere, præloq; com-mittere: Aliaq; quam plurima se in Geographia prestiturum esse, animo quidem conceperat, cæte-rum euentus, vt dixi votis defuit, succesumq; feliciorem denegauit. Quæ hactenus dicta sunt in il-lius insignis, atq; eximij viri laudem, ac commendationem, hæc in Geographicis ac Mathematicis disciplinis præstítit. Perueniamus nunc ad illius utilem operā, quam theologiæ studiosis nauigauit. Priusquam præsentis (in inferiori Germania) belli, turbulentissima tempora, exorta essent, conscrip-serat Harmoniam Euangelicam quā ita comparauit, vt quilibet lector contextum vniuersi cuiusq; Euangeliæ legere commode queat, pro illa serie atq; ordine quoquisq; Euangeliū conscripsit: si vero aliquem delectaret ex quatuor euangelistis continua historiam Euangelicam cognoscere, illi libe-rium esset, vna eademq; lectione votis suis satisfacere, cuius editionem a Theologis magni nominis audie-

## VITA AVTHORIS.

anide desiderari atq; commendari meis audiui auribus, pauloq; ante nundinas autumnales anni 1592 prædictum opus in lucem prodire curauit, amplissimo ac grauissimo viro Domino Henrico à VVaze Cliviæ Cancellario dignissimo. Conscriptis præterea commentaria in epistolam ad Römanos, in quibus luculenter admodum ac solide controversias quasdam nostri sæculi, de Præscientia ac Prædestinatione Dei, de libero itē arbitrio, magna ingenij dexteritate diluere, & pro virili compone re conatur. Item in Ezechielis aliquot capita, in Apocalypsim & alia plura: quod si contingat (quod paulatim futurum spero) ut in publicum prodeant, non est dubium quin illius boni viri, impensa opera, piusque conatus, quam plurimis doctis viris optimè probabitur.

Quam bene quoq; Mercator de Historiarum candidatis ac studiosis meritus sit, illius Chronologia quam anno sexagesimo typis commisit, abunde satis testatum facit, quam clarissimo longeque celeberrimo viro domino Henrico Oliuetio, Cliviæ Cancellario honorifico inscripsit. Quod opus passim per Italiam, atque Germaniam doctissimis quibusq; viris, adeo vsque placuit, tantæq; admirationi fuit, ut Onuphrius Panuinus Veronensis Italus, antiquitatum indagator & excultor præclarissimus, & eximius (ut de aliorum vndeque doctissimorum virorum, magnificis de superiori scripto testimonij staceam) Mercatorem nostrum omnibus alijs exercitatissimis Mathematicis, & antiquitatum cultoribus multis nominibus præferre non sit veritus. Cuius testimonium, ut lectori magis compertum sit, non abs refacturum me putau, si prædicti auctoris ipsissima verba, quæ ex epistola quadam (quam Onuphrius ad amicum suum Iohannem Metellum, virum summae eruditio-nis, maximiq; iudicij conscripsit) extraximus, hic referamus, quæ sic habent.

Sed hoc ego palam de Mercatore libereq; profiteor, ex omnibus quos hactenus in hoc studiorum genere mihi videre licuit, vniuersos autem qui extant legi, neminem existere cui ego iure sane Mercatorem tuum, siue res speces & ordinem, siue iudicium & industria intucaris: siue motuum cœlestium (quantum ad hoc attinet) animaduersionem consideres, longè non præferam. Quas propter à te pro amicitia nostræ sacra peto, ut eum tu mihi propter communia temporum saltem studia, familiarem dum eum conuenies vel ad eum scribas, vltro reddas.

Quis adhæc immensum illius laborem quæ a multis annis (oblata inter legēdum rerum oportunitate) in extrahendis, annotandis, atq; in ordinem redigendis genealogijs, Illustrissimorum heroum ac celeberrimarum familiarum (quæ a condito mundo passim floruerunt, atque pro præsenti re rum statu per Europam vigent) consumpsit ac impendit, satis dignis laudibus, atque nominibus celebrare ac commendare poterit: Quas proculdubio oblata oportunitate prælo commissurus fuisset, quod si diuturnior ætas diuinitus illi concessa esset. Quodque postremo decreuerit ac proposuerit, & quodammodo delineauerit plura opuscula posteritati (monumenti loco) post obitum relinquare, illius epistola dedicatoria, quam tabulis Galliae & Germaniae præfixit aperte indicat, cuius hic est tenor: exigebat operis distributio & ordo, ut primum de mundi fabrica & distributione partium in vniuersum: deinde cœlestium corporum ordine & motu: tertio de eorundem natura, radiatione & operantium conflexu, ad veriorem Astrologiam inquirendam: Quarto de Elementis: Quinto de regnorum, & totius terræ descriptione: Sexto de Principiis à condito mundo genealogijs, ad emigrationes gentium, & primas terrarum habitationes, ferumque iuuentarum tempora, & antiquitates indagandas tractarem. Hic enim rerum naturalis est ordo, qui causas & origines eorundem facile commonstrat & ad veram scientiam sapientiamque optimus dux est &c. hactenus ille. Huic operi titulum imposuit: Atlas siue cosmographicæ speculationis libri quinque. In primo descriptis opificium ac fabrica mundi, quem etiam durante paralysi sinistri brachij, pro fallendo tempore absoluit: eundemque partum præ cæteris tota vita (ipso teste) parturiuit. In secundo Astronomica prosequi incepérat, sed non finiuit: in tertio Astrologica explicaturus erat. In quarto de creatione elementorum, de motu solis & lunæ, item de situ & ordine planetatum, tractatum meditabatur. Quintum Geographiæ totius terrarum orbis destinauerat, si illi vitæ spatium concessum fuisset. Sed in hoc postremo opere longè alio ordine, quam vñquam hactenus ab aliquo attentatū aut factatum est, orbem in tres æquales continentates diuidere decreuerat, quarum vñnam Asiam, Africam & Europam constituisset: alteram Indiam Occidentalem, cū omnibus regnis & prouincijs illi contiguis: terram vero eti adhuc latenter, & incognitam esse non ignorauerit, solidis tamen rationibus atque argumentis demonstrare ac euincere se posse affirmabat, illam in sua proportione geometrica, magnitudine & pondere ac grauitate, ex duabus reliquis nulli cedere aut inferiorem vel minorem esse posse, alioquin mundi constitutionem in suo centro non posse consistere, hæc Australis continens à scriptoribus appellatur. Hactenus de illius in lucem emissis atq; emittendis elucubrationibus differuimus, explicauimusque: restat nunc ut pauca quædam, de illius placidis moribus honestissimoque vitæ genere, in eximij viri laudem ac commendationem dicamus. Fuit homo sedatissimi ingenij, singulari animi candore, ac sinceritate prædictus, pacis ac tranquillitatis publicæ & priuatæ amantissimus, adeo vsque ut à quadraginta duobus annis, quibus hic Duyburgi cum sua familia habitauit, cum nemine ex ciuibus verbum commutauerit, aut cuiquam controversiam mouerit, vel ab alijs in ius vocatus fuerit. Magistratu detulit honorem & obseruantiam quam debuit: cum vicinis vbiunque habitaret, semper illi optime conuenit nemini aduersus fuit, aliorum studijs (quatenus decuit) obsecutus est, nullique sese prætulit. Vxorem habuit castissimis moribus ornatam, morigeram curæ domesticæ bene instructam suæque vitæ generi conuenientem quæ anno 86. Augusti 24. ex hac vita migravit: proles obsequentissimas, bonaq; indole præditas, filios suos à tene-



## V I T A

ris annis Iohanni Othoni, deinde genero suo Molano in liberalibus artibus instituendos commisit. Natuque maiorem nomine Arnoldum (qui anno trigesimo septimo vltima Augusti, huius vite pelagus Louanij ingressus erat) simulatque humanioribus literis vtcunque imbutus esset, statim in Mathematicis disciplinis illum instituit atque exercuit. In eisdemque intra paucos annos adeo vsque profecit, vt in fabricandis exacte, ornateque istrumentis mathematicis, quæ summis Germaniæ aliquibus magnatibus apparauit, vix parem habuerit: In Geographia & Chorographia autem, si quis alius, exercitatissimus fuit, Archiepiscopatus enim Treuirensis & Cattimœlibocensis comitatus dimensiones diuerso tempore (potentibus id Reuerendissimis & Illustrissimis Principibus Electore & Guilielmo Landgrauio, illiusque operam insigni honorario remunerantibus) aggressus breui absoluit, accuratissimeq; non sine laude calamo exarauit ac descripsit: Vrbis quoq; Coloniensis situm chorographicum per pedes dimensum tabulisq; æneis pulcherrime incisum, adiunctis quæ in illis etiamnum a Romanorum temporibus antiquitates conspicuntur in lucem edidit: Postremo Hassia regionem amplissimam ex voluntate prædicti Landgrauij anno octagesimo sexto dimetiri cum exorsus esset morte præuentus eam vti instituerat absoluere nequiuuit, quapropter filius eius natu maximus Iohannes postea prouinciam hanc suscipiens, tandem exactissime describendo absoluit, qui & cum fratre suo Gerhardo plerasque Ptolomei, huiusque noui Geographici operis tabulas Aui sui q̄ri insculpsérunt: Prædictus Arnaldus in vxorem duxerat Dusseldorpij doctissimi viri Iohannis Monhemij Rectoris ibidem scholæ publicæ longè dignissimi filiam Elizabetam, quæ illi secunda decem partibus tredecim proles videlicet nouem filios cum quatuor filiabus peperit, filiorum duo Gerhardus iam dictus cum fratre suo Michaele in Geographiæ studio præclara ingeniorum suorum specimina ædiderunt dum trium vastissimarum orbis terræ partium videlicet Africæ, Asiae & Americæ descriptionem, in tam angustam formam redigerunt ut vniuersitiusque earum situm ac pro Geometrica proportione magnitudinem, in spatio vnius folij chartæ complexi sint, hominumque conspectui proposuerint. Deus Optimus Maximus illorum labores, laudibilesque conatus prosperet beneque fortunet. Vir fuit pro ætate acutissimi ingenij, bonique in Mathematicis artibus iudicij, quæ mirum in modum auxit quotidiana rerum experientia! Quod si superis annuentibus ad maturam ætatem peruenisset, euasurus erat in insignem architectum publicarum structurarum. Præterquam enim quod quicquid librorum in hisce artibus alibi extaret si bi comparauerat diligenterque euolutus erat, habuit quoque accuratam admodum (in ciuitatibus & munitionibus quibusque principum arcibus delineandis, quas illi inspicere licuit, quibus & Theatrum vrbium, suppetto tamen nomine non parum auxit) publicorum operum, videlicet propaginaculorum, fossarum, mœnium, vallorumque rationem, ita ut facile in hac arte suam operam cum laude viris principibus, vel rerum publicarum gubernatoribus offerre atque elocare illi licuisset; cæterum proh dolor in flore ætatis immatura morte pleuride ex hac vita, anno octagesimo septimo sexta Iulij, sublatus est: Prædicta illius vxor quadriennio interposito, videlicet anno nonagesimo primo decima septima Augusti maritum sequuta, naturæ debitum exoluit. Secundus ex filijs Bartholomeus dictus Heidelbergæ in Palatinatu in collegio sapientiæ, studijs philosophicis, linguarum græcæ & hæbraicæ cognitioni operam ibidem dedit. Hic anno 63 conscripsit libellum de Sphæra Domino Henrico Barrio dedicatum, cumque adolescens optime spei viginti octo annorum esset morbo corruptus, obiit anno sexagesimo octauo. Natu minimus Rumuldus nuncupatus hæredibus Birckmanni aliquot annis cohabitauit, primo Londini deinde Antwerpia & in distractis libris sese exercuit: Interea temporis Geographiæ quoque studium coluit, ita ut domum reuersus, Patri suo quem iam multis & grauibus studijs occupatum ostendi, in delineandis tabulis Geographicis adiumento fuerit. Patris sui vniuersalis orbis terræ & Europæ descriptiones in compendium redegit, ac totius Germaniæ delineationem in magna forma, patriæ studiosis edidit, & Illustrissimo Guilielmo Hassia Landgrauio &c. dedicauit: Sperandum est ex hac pharetra plures huiusmodi sagittas euolaturas. Filias suas intra priuatas parietes in omni pietate ac timore domini edeauit ac instituit, natuque maximam nomine Emerentianam Iohanni Molano cuius superius memini, cum hic Rectorem ageret, elocauit. In ordine filiatum proximam nomine Dorotheam, primo mercatori Antwerpensi Alardo Six, cui duas filiolas protulit, post illius obitum cuius VVesaliensi Tilmanno de Neufville in uxorem dedit: Postremam Catharinam Theodoro Verhaer Lüdimistro, matrimonio iungi procurauit. Ab illo tempore quo noster Gerardus Mercator hic habitatum venit, pro mutua familiaritate atque vicinitate frequenter illum conueni, nunquam vero otio, vel tantillum temporis indulgentem repperi, sed vel historiographum aliquem, aut alium grauem autorem (quorum instructissimam bibliothecam domi habebat) euoluentem aut scribentem, vel sculpentem, aut arduis meditationibus indulgentem, occupatum & intentum offendi. cibi potusq; tametsi semper esset parcissimus, culinam tamen habuit luculentam, rebusque necessarijs ad honestè viuendum bene instructam, valetudinis sua conseruandæ gratia, curam gessit accuratissimam: sin vero in morbum aliquem inciderit, statim Doctoris Solinandri, illius integerrimi amici opera v̄sus est. In pauperes tenuiorisque fortunæ homines, beneficus semper fuit, hospitalitatisque cultor ac conseruator extitit, quo ad viueret. Quotiescumque a senatu ad publica solemnia conuiuia, vel ab amicis ad priuata euocaretur, aut ipse alios inuitaret, hilarem & facetum sese exhibuit, præbuitque, & aliorum moribus se accommodauit, quantum corpusculi constitutio ac pie-tatis ratio ferebat. In familiari conueratione, & colloquio facilem & iucundum se prestitit, & si quandoque

A V T H O R I S.

quandoq; in viros doctos incideret, nihil illi accidere potuit gratius, quam amicè ac familiariter, de communibus philosophicis, phisicis vel mathematicis studijs: de conseruanda bona valetudine, tuendaque sanitate: componendis in religione controuerfijs: de clarissimorum virorum rebus ges- tis, regionum situ, ac cœli constitutione, item de peregrinarum gentium moribus, legibus & statutis conferre. Cum Domino Iohanne Euvichio, Ambrosio Mauro, Iohanne Othono alijsq; doctis viris hic commorantibus amicitiam conseruauit arctissimam. Ioannem Molanum doctissimum virum, & insignem poëtam, adeo vsq; in amore eximium habuit, vt illi filiam natu maximam in vxorem daret. Coloniæ cum multis quoque doctis viris illi notitia atque familiaritas intercessit, in ter quos Doctor Albada Frisius, Iohannes Metellus, ac Petrus Ximenius, non postremum locum o- cuparunt. Sed quid de exiguo ciuilium amicorum numero, quorum quotidiana familiaritate hic mecum fruebatur, verba facio, cum apud viros príncipes, & potissimum Illustrissimum ac Genero- sissimum defunctum nostrum (fœlicissimæ recordationis) principem: Comitem Hermannum Nuenarium aliosque comites, barones ac viros nobiles, in tali reputacione atque existimatione ex- titerit, vt cum illo familiaritatem coluerint atque conseruaerint. In illius Celsitudinis amplissi- mo consiliariorum ordine ac Medicorum celeberrima corona quoque, vix quisquam (ab anno quinquagesimo secundo quo intra ambitum huius ciuitatis se continuit sedemque fixit) fuit, qui nostrum Mercatorem non ex animo amauerit, magnique vt æquum est semper fecerit. Neque fo- lummodo in hisce vicinis regionibus Anglia, Dania, Gallia, inferiori & superiori Germania, Ita- lia &c. tot tamque illustribus & præclaris amicis munitus fuit, sed ubique terrarum, celeberrimi viri in copioso numero reperti sunt, qui scriptis ad illum familiaribus literis, cum illo amicitiam contrahere, mutuam amicitiam colere, tueri ac conseruare conati fuerunt; Illiusque celeberrima fama adeo usque creuit, diuulgata & passim sparsa est, vt etiā ad remotissimos Indos peruerterit, ac cum Doctissimo viro Philippo Sassetto in Goa, Orientalis Indiæ ciuitate notissima commorante, mutuis literis concertauerit: huiusmodi ac similium epistolarum non exiguis fasciculus apud illius heredes, in promptu reperitur. In disputationibus fuit acutissimi ingenij & exercitatissimus: in la- boribus sua professionis indefatigabilis: in rebus prosperis & secundis, moderatum, in aduersis pati- entissimum sepe præstigit exhibuitque. Corpore fuit sic satis bene constituto, bonaque valetudine plerumque usus est, præterquam quod in senili ætate aliquando podagra laboraret. Cum priore obi- vxore in statu coniugij quinquaginta annis, & tribus septimanis vixit, Mensibus aliquot, post huius tum, duxit in vxorem viduam Ambrosij Moer consulis huius ciuitatis dum viueret. Anno nonage- simo quinta Maij paralysi sinistri lateris correptus est, cui morbo D. Solinander celeberrimus longe que exercitatissimus Illustrissimi nostri Principis Medicus pro virili mederi, & consulere cona- tus quidem fuit, ceterum ingrauescentis ætatis incommoda, successum fœliciorem impediuerunt. Cumque illi linguæ usus integrè restitutus esset, vidi illum lachrimantem, pectusque suum ter qua- terque pugno tudentem, atque dicentem: percute, vre, seca seruum tuum domine, & si non satis acriter percussisti, percute fortius, acriusque pro beneplacito tuo, vt in futura vita mihi parcas &c. Tametsi vero eatenus paulatim pristinæ valetudini (adhibitis ex præscripto superioris medici, di- uersis remediorum generibus) restitutus sit, vt more solito placide nocturno tempore quiesceret, bonoque cum appetitu, cibum facilioris digestionis sumeret, vinique aut cerevisiæ mediocri hati- tu vires reficeret, sinistri nihilominus tamen cruris ac brachij potentiam (quainuis quotidianis invnctionibus illius nurus summa cum diligentia prædicta membra, ad unius fere horæ spatium mane ac vesperi, præstantissimis vnguentis vbi opus erit affricaret) recuperare non potuit. Quapropter sibi de cella prospexit, qua a familia, ex cubiculo vbi decumbebat, ad hypocaustum, aut culinam pro illius placito portaretur. Præsente autem constitutione non obstante vel prohibente, studiorum suorum cursum, in suo antiquo vigore pro virium suarum exiguo modulo obseruauit, paululumque temporis sibi elabi passus est, quin aut lectioni grauissimorum autorum intentus esset aut aliquid conscriberet, aut saltem in meditationibus rerum maximi momenti illius animus oc- cupatus esset, nihilque magis indigne tulit, quam quod durante morbo tantam pretiosissimi tem- poris iacturam fecisset. Sæpiusque non sine ingenti animi dolore conquestus est, quod imbecil- litate corporis impeditus, opuscula aliquot, quæ mente (vt superius memini) conceperat, ac præ manibus quodammodo habebat, absoluturus non esset, quod, proh dolor, ita euenit, vt illi animus sæpenumero dictauerat. Quamobrem iustissima doloris causa omnibus studiosis, præsertim autem Mathematicarum disciplinarum candidatis offertur, cur illius celeberrimi viri inopinatum obi- tum, pro humana fragilitate egerrimè ferant. Elapsò triennij curriculo, in maximum capitis de fluxum incidit, qui ita fauces cum illius gutture ita obstruxit vt lingue usum aliquandiu amitteret maximaque cum difficultate si quid esculenti, aut poculenti illi offerretur, deglutire posset quæ vero ægritudo sese paulatim nonnihil remisit. Ingruente autem læthalis morbi necessi- tate, pridie illius diei quo ex hac vita emigraret, coram concionatore & vicinis, de ingenti dolore omnium membrorum conquestus, Omnipotentis Dei misericordiam cum summa animi fiducia, iterato aliquoties sermone implorauit, eodemque quo moreretur die, eundem vt pro se publicæ præces finita concione celebrarentur, obnixe postulauit, quæ postrema illius vox fuit quæ a circum- stantibus intelligi potuit, placidissimèque paulo post undecimam ante meridiem, postridie calen- darum Decembris, cum vixisset annos octoginta duos, hebdomadas triginta septem horas sex, & vidiisset pronepotes, in domino obdormiuit. Dominus Deus illi largiatur lætissimam resurrec- tionem in die iudicij.

EPI T A P H I V M  
in obitum  
GERARDI MERCATORIS  
Auo suo, piè ac placidè vita defuncto.

**A** Missum luxi qui nuper verumq; parentem,      Thesbitæ vt quondam vatis successor, in altum  
Heu miser ad tumulos cogor abire' nouos.      Quadriges rapti dona recepit heri.  
Sic, Ave, te venerande pium qui dogma dedisti      O vitam doctæ mihi sic quoque portio' mentis  
Sepius, hinc nobis te rapit atra dies?      Cedat, & eximiæ pars quotacung; manus.  
Sic doctrina grauis, pietas sic prisca peribit,  
Hæc q; sepulchralis conteget vrna simul?  
Absit vt hæc perysse queant quæ morte tenaci  
Consumptos vitæ perpetis esse iubent.  
Has liceat cineri lachrymas tamen addere Auito,  
Nam pressus nimium, cor ferit ille dolor.

IOANNES MERCATOR  
Ex primogenito nepos, hisce mærens  
parentabat

EPISTOLÆ DVÆ  
Duorum doctissimorum virorum

Doctoris Reinhardi Solenandri Illustriß. Ducis Iuliæ, Cliviæ, Montis, &c. Medici video  
licet, & D. Iacobi Sinstedij D. V. I. in laudem Atlantis conscriptæ.

S. P. Doctissime Mercator amicorum integerrime, remitto tibi meditationem tuam in sex die-  
rum opera conscriptam, mihi mirum in modum gratam & acceptam. Nam sola illa in natura-  
lum rerum cognitionem deducimur. Quando tua apodictica argumenta clarè & ad viuū demon-  
strant, Cœli, Aëris, Aquarum & Terræ, prima & originalia principia: de quibus inter Ethnicos Phi-  
losophos magna fuit dissensio. Tuis itaque rationibus probè perspectis & intellectis, non amplius  
vanissima Aristotelis monstrosa priuatione seducemur. Memini cum illud vanum fallaxque fig-  
mentum à Petro Ramo Parisijs impugnaretur, vnde hærescos accusabatur: vtpote qui Aristotelica  
fundamenta hactenus in omnibus scolis approbata niteretur conuellere. Magnam itaque tibi habi-  
turi sunt, omnes studiosi gratiam, quod tandem verissimam principiorum & causarum cognitio-  
nem, diuinitus imbutus in hisce extremis Mundi fecibus, nobis communicaueris. Transcriptum  
ex tuo exemplar misi Greuenbrochium ad Amicum meum integerrimum, Dominum Iacobum  
Sinstedium, Iuris D. hominem doctrina, pietate & probitate insigni. Is legit & cum hoc epistolio ad  
me remisit, ex quo vt intelligas ipsius mentem & iudicium, ipsius ἀντογεφόρον ad te mitto. Ille obnixè  
precatur (quia putat me apud te aliquid valere) vt te admoneam & adhorter, quo hoc scriptum pri-  
ma quaue occasione omnibus bonis & doctis communices. Ego vero non hoc solum, sed magnopere  
flagito, vt cæteros libros quoquomodo possis, expediā, forte tergiuersando valetudinem atque  
ætatem proferes (vt ego ætatem & negotia plerumq; prætendo) verum mihi videtur, vt grauis ætas,  
non solum te non excusare debeat, sed magis vt matures hos labores, stimulum addere. Vtinam si  
mihi licet à me decrepito & male sano Principe (cui solus in hoc difficiili seruicio) abesi-  
sc, non solum valetudinis tuæ causa aliquoties ad te excurrissem, sed ea potissimum ratione te con-  
uenirem, te vt monerē expeditumq; redderem, quo auspicata hæc, & bene incepta' absoluere: tum  
etiam de iucundis his studijs, iucundè & amicè tecum vt conferrem. Cum in tuè huius meditationis  
lectione me oblepto, & veluti Cygneam cantionem tuā animo excipio, venit mihi in mentē quod  
cum Galenus noster, vsum humani corporis partium doctè explicaret, votum quasi animo concep-  
tum calamo omnipotenti Deo voveret. Memini enim quando sub finem 3. li. de vsu partiū explici-  
tè fatetur, illos suos commentarios se ceu hymnos quosdam conscribere, in quo veram magis pietatē  
consistere existimaret, quam si taurorum ἐκτρούβασι plurimas sacrificaret, & casias aliaq; sex-  
centa vnguenta suffumigaret: præferebat his omnibus se ista prius scire, exponere deinde alijs quæ  
nam sit ipsius Dei sapientia, quæ prouidentia, quæ potentia, quæ bonitas, quorum ignoratio Ethni-  
cus ille summam impietatem iudicabat, non si à sacrificio abstineret: qua sententia haud longe mihi  
à sacro

à sacro sanctorum vatum sententijs videtur disiunctus. Mirifice delinitus sum ex Mose recognoscendo vera physices elementa & principia, quæ tu in hoc tuo scripto euidentissimis demonstrationibꝫ proponis, re veritatis cupidus lector tuis argumentis non sine ratione acquiescere possit. Mirum quam varia & diuersæ opiniones de mundi materia apud Ethnicos scriptores passim legantur, vt videatur est apud Galenum in historia philosophica: apud Laërtium in vitis Philosophorum: Plutarchum in libris quatuor de placitis Philosophorum (qui mihi physicorum dogmatum epitome viidentur) apud Platonem etiam; tum ex Christianis apud Epiphanium in confutatione octuaginta heresium, qui explicate res adnotarunt: vt de multis alijs nihil addam. Quæ omnia concidunt quando tu post Ideæ diuinæ descriptionem progrederis, ad primæ illius massæ secretionem, qua Lectorum in Dei Creatoris & primæ materiæ cum suis innatis formis & qualitatibus diuina eaque incredibili potentia primitus & ex nihilo creatæ, adducis. Quæ is. capite tuæ huius meditationis de ligno vitæ consignasti (in quo mei honorificam facis mentionem, mihiq; plus amice tribuis quam in me agnosco) ea legi & relegi aliquoties diligenter, quando enim illa planè Philosophica & Medica sunt, mirum quantum istis afficiar. Inter cætera ostendis & bruta animantia sive naturæ ex herbis subsidium querere, quod Hyrundinis, Cati, Bufonis, Canis exemplis demonstras, licebit pluribus ostendere, quandoquidem ipsa natura docta plurimarum herbarum vires cognitas mortalibus indicarunt. Etenim Ceruos credimus Dictam herbam, quod eius pastu telum eiecissent sagittarum vulneribus mederi ostendisse: Sic Ceruas Seseli herbam demonstrasse arbitramur: Testitudines Cunilam: Mustelæ Rutam: Ciconiæ Origanum: Accipitres Hieracum: Columbae Verbenacam, vt non minus hæ postremæ ab ipsis animalibus, quam Chelidonium ab Hirundine, nomina adepta sint. In Aegyptiorum hieroglyphicis Pica pingitur lauri folium ore tenens, quo designant hominem sibi ipsi medentem. Etenim Pica ægrotans, natura docta, dicitur lauri folia in nidum congerere, quo illis morbos arceat. Ut antiquitas Apollini, quem Medicinæ inuentorem, dicente etiam Nasone, constituunt, haud immerito Laurum sacram fecerint dicarintq;. Parietaria, quæ à Perdicibus Perdicium quoq; dicitur, quando Perdices in ijs locis, vbi illa copiosè prouenit, vt plurimum se voluant atque oblectent: Feniculum nobilitasse credimus Serpentes: nam gustatu atque esu ipsius sene-

& opere dignam exuere, oculorumque aciem succo eius reficere scimus, vnde ipsius vsus nobis patefactus: Tit augmentatio - eodem in capite addis, tales plantarum species in quaue regione à Deo creari, quales hominibus, & nem hinc mutu animalibus ibidem natis, maxime conueniant. Quod viuus testis multis documentis monstrare atam suo loco possem. Imo tam confidenter hoc nixus comperimento, sæpe numero probauit, ex plantarum nascentium frequentia, me fere animaduertere posse, quibus morbis popularibus nimirum ἐνθύμιοι quæ libet regio subiecta est. Observamus hoc ipsum apud Danos, Phrysiros, Hollandos, quibus Scorbutus dictus morbus frequens, istius quasi proprium medicamentū Cochleariam scilicet copiose prouenire. Ita vbi in paludosis locis Tamariscus natale solum agnoscit, plerumque Lienis ibidem vitijs expositi sint incolæ, quod ex lurido colore, qui intumescente cute illis efflorescit, hypochondrijsq; inflatis videre licet. Eodem modo obseruamus, quibus in pagis circa sepes in areis frequens Absynthium luxuriat (in ijsdem habitatores naturalium viscerum obstructionibus, ventriculi infirmitate suffusione bilis plurimum affectos, vt facile nisi prædictæ herbare vnu, viscerum meatus reserantur, extersaq; bile eadem roborentur firmenturque, in Icterum primum, paulo post in aquam intercutem exorbitent. Longius progrederer, si istorum catalogum contexere velim. Quæ eodem in capite de insitione proponis, exquisita consideratione digna sunt. Nam quod obseruasti cortices stemmatum, surculorum verticibus primum & potissimum vñiri, id quotidiano vnu atq; experienria comprobatur: Hinc est quod de stemmate inserendo quam tum relinquatur parum solliciti simus dummodo cortex purgatus scissusq; cortici ita aptetur, vt fibris sese contingat. Insitionis diuersi modi sunt quæ fit scisso trunco, in ea non minus obseruari debet ista corticuni adæquatio, quam quæ fit, Infoliatione, quando nimirum inter truncum & corticem surculus inseritur, imo in Infoliatione (quam alij Emplastrationem vocant) id ipsum obseruandum est: Atq; hic diligenter notandum etiam si Columella statuat, omnem surculum omni arbori inseri posse. Ego tamen communi sententia hoc tribuo, quod aptissima insitio perficiatur, vbi istarum arborum cortices inter se ita vñiantur, vt inter surculum inserendum & truncum cui inseri debet, ista cognatio sit, vt cortices inserendi surculi & cortici stemmatis admissarij eiusdem qualitatis, quod superficiem attinet, præferat. Sed de modo & qualitate insitionis, vbi ad te venero, quod breui fiet: tum de animalibus medicis (sic enim voco animalia quæ herbarū vires natura monstrante docuerunt) conferemus exactius de ijs enim sæpe & multum cogito, quod facile intelliges, ex eo commentario quem de Climaeterismo conscripsi. Nam vt ex herbarum folijs, floribus, earum scilicet tum etiam seminis figura ex truncō & stipite ex succi qualitate & id genus alijs haud difficile coniectari, sed docte licebit, quibus morbis, quarumq; partium affectibus herba quælibet conueniat. Quapropter hac vice latius nō progredior, in nostrum conuentum ea dilaturus. Interea tu, vt valetudinem tuam cures, te hortor, quod eo quo præscripsi modo: haud magno negotio facies, & me vicissim ama. Raptim Dusseldorpij ex aulicis negotijs, Calendis Iulij. Anno. 1594. stilo veteri.

Tuus Reinhardus Solenander Medicus.

**P**rudentissime humanissimeq; Solenander, Legi Doctissimi viri Gerardi Mercatoris librum de  
 Fabrica mundi non minus verè quam doctè scriptum. Et dici non potest quantopere me istius,  
 scripti lectio affecerit. Video hactenus tam Ethnicos quam Christianos vera physices Elementa &  
 principia ignorasse, nihil certe iucundius, quam euidentissimis rationibus ac demonstrationibus, a-  
 uidum Lectorem & veritatis cupidum, in Dei Creatoris, & primæ materiæ, cum suis innatis for-  
 mis & qualitatibus, Diuina potentia primitus & ex nihilo creatæ, penitorem cognitionem adduci.  
 Pulchre igitur post Ideæ diuinæ descriptionem progreditur ad primæ illius massæ & materiæ secre-  
 tionem demonstrandam. Nam ostendit flatu & vehemētiore vento aquam & limosam illam ma-  
 teriam secretam fuisse, ita ut grauia ad centrum in vacuo constitutum vltro declinarent: Nimirū  
 terram etiam dum fluxilem, punctum siue centrum sphaerica figura, per equilibrium circumdedi-  
 sc, & ventorum flatibus in siccitatem & duritiem paulatim fuisse redactam. Deniq; ex illa commo-  
 tione aqueæ materiæ, subtiliores humores in aërem conuerti & formari cœperunt; & deinceps ex  
 aëre ætherea regio cum cœlestibus sphæris & stellis adornari cœpit, ita ut aquas illas supra cœlestes  
 & Empyrium cœlum constituent, lucidissimas faciat & angelos ex ijs creatos esse statuat. Hæc  
 omnia sunt Dei Verbo & rationi minime dissentanea. Licet Aristoteles octauo φυσικης ἀκροστοις  
 mundum contendat eternum esse, Quem Picus, Comes Mirandulanus, & Paulus à Schala, & Palin-  
 genius in Zodiaco pro viribus tuentur. Sed prestat Dei verbo adhærere, quam incertis opinionibus  
 fluctuare, Non posset sane quicquam iucundius suauiusq; dici, quam cœlos, angelos & stellas, aëre,  
 aquas & terram, & quicquid in ijs continetur, ad solius hominis usum esse creata ut ei inseruant.  
 Quum istorum omnium origo ex una eademq; massa desumpta fuerit, ex qua & homo, sequitur  
 cœlorum, Angelorum & omnium rerum creatarum magnam cognitionem affectionem & amo-  
 rem inter se, & erga hominem esse. Ego certè dicam libere quid mihi inter legendum acciderit, mag-  
 no desiderio & ardore inflam mari cœpi, erga omnes res à Deo conditas (solis diabolis exceptis) vt  
 pote mihi cognatas & ab optimo Deo in meos usus creatas, Hinc permoueor ad gratitudinem Deo  
 assidue praestandam, quæ augetur & perficitur Christi cognitione. Illud certe solertis & sagacis inge-  
 ni iudiciū est, quod ex aquarum à terra separatione & mediæ terræ cauitatibus inclusarum, idq; vni-  
 diq; ex æquilibrio, ne centrum ponderis in æqualitate grauetur; inde concludit & probat alteram  
 terræ partem infra nostrum horizontem ex aquis eminentem, nostræ Europæ, Africæ & Asiæ cor-  
 respondere. Quanta prudentia differit de characterismis herbarum, in quo loco & tui honorificam  
 mentionem facit. In summa agnosco illum doctissimum esse virum, & omnium Illustrissimorum  
 Principum fauore & amore dignissimum. In vltimis duobus capitibus verum Theologum agit de  
 originis peccato disputans; at qui non singulis theologis per omnia satisfaciens. Statuit enim anima  
 extraduce propagari, & non diuinitus infundi in recens creati pueruli corpus. De qua re Augustinus & Hieronymus, prolixissimis & elegantissimis epistolis differuerunt: sed Augustinis in nostri  
 authoris sententiam magis inclinat. In hebreorum quorundam vocabulorum ethymis explican-  
 dis Eugibinum sequens, non nihil videtur à vero aberrare. Nam terræ nomen Eretz, quod nomen  
 & Germani ab Adamo retinuerunt Erdt, non à Razaz, quod conculcare significat, sed à Raza, quod  
 appetere & velle significat, eo quod terra desideret & appetat herbas & fruges, aliasq; res sibi à Deo  
 mandatas proferre. Sed de his plura maiore otio. Amanter rogo vt Doctissimum virum ad editio-  
 nem maturandam horteris. Profecto physica ars manca erit, sine huius auctoris accessione. Vale.

Tui amantissimus

Jacobus Sinstedius. D.

## IN ATLANTEM

### Gerardi Mercatoris Aui sui.

**E**nibi lector adest Atlas redinius & ingens  
 Aspice grandæui signa vetusta senis.  
 Gentis Maurorum rex seruantissimus equi,  
 Atq; Mathematica clarus ab arte fuit.  
 Seu genus antiquum, seu robur & ardua species  
 Falta viri, similem tempora nulla dabunt.  
 Ex hoc tot reges geniti virtute potentes,  
 Credere ut verò turba prophana deos.  
 Hic ille, ut perhibent, stellis ardentibus aptum  
 Axem humero torcit qui geminumq; polum.  
 Dicitur Alcides onus hoc subiisse, quod Atlas  
 Arribus ingenuis instituisset cum.  
 Et quia summorum virtus imitanda virorum est,  
 Hunc Anus exemplo creditit esse sibi.  
 Ille feras gentes domuit, moderamine nostra  
 Affebat aequo rexit & ingenium.  
 Atlantem fecit preclarum docta Mathesis,  
 At Mercatoris marте Mathesis adest.  
 Qui bene Cosmographi perfunctus munere iusti,  
 Et reliquis intam praestruit arte viam.

Et simul his methodum prescribit & ordine ponit  
 Quæ sub mensuram singula quaq; cadunt.  
 Qui quoq; cunctorum referens primordia rerum,  
 His adhibet quam dant Biblia sacra fidem.  
 Ordine seruato, monstrat singula laus est  
 Prima Creatoris, deinde creata locat.  
 Astrorum voluit posthac ostendere motus,  
 Et Planetarum quo vaga turbatur.  
 Quin etiam voluit stellarum pandere vires,  
 Quatenus & radis inferiora doment.  
 Hinc Elementorum voluit perquirere causas,  
 Ex quibus hac mundi machina struita vigeret.  
 Adde Geographia veterisq; nouaq; tabellas,  
 Quas vastum voluit claudere scriptor opus.  
 Sed granis impedit morbus, simul ipsa senectus,  
 Et mors postremum multa negavit ei.  
 Quod potuit fecit, commendat cetera doctis,  
 Ut patriæ & famæ consulinisse velint.

Johannes Mercator scripsit

P R A E F A T I O  
in  
'Atlantem.'

**A**tlas rex Mauritaniæ & regio stemmate natus, patrem habuit Terrenum siue indigenam, iuxta Eusebij ex antiquissimis historicis testimonium, qui fuit Cælus cognominatus, & matrem Titeam, cognomine Terram, aium paternum simulq; maternum Elium siue Solent regem Phœniciae, qui cum uxore Beruth in Biblio habitabat ambos insigniter in Astronomia & naturalibus disciplinis versatos, ita ut eruditionis gratia Solis & Cæli nominibus digni haberentur. Et quidem Atlas, ut citant veteres, Diodorus lib. 4. cap. 5. astrologus fuit peritissimus, deq; Sphaera primus inter homines disputauit. Fratres habuit multos, quos Cælus ex diuersis uxoribus genuit usq; ad 45. quorum 17. ex Titea prudentissima, & hominibus multum benefica fæmina habuit, quos communis nomine à matre Titanes appellauit; Sorores quoq; habuit, inter quas præcipuæ fuerunt Basilia, quæ fratres omnes suos in gratiam matris educauit, proptereaq; magnam aiunt matrem appellatam, & Rhea quam Pandoram dixerunt. Basilia autem cum Cælus obiisset, ut prior annis, prudentiaq; & virtute reliquis præstantior, communis fratribus & popolorū consensu regnum nacta est adhuc virgo, cum nulli antea nupsisset. Postmodum cùpiens regni hæredem relinquere, fratri Hyperioni nupsit, ex quo duos peperit liberos, Solem & Lunam, quorum prudentiam admirati Hyperionis fratres, ne ipsius posteris regnum confirmaretur, ipsum obtruncârunt, & Solem adhuc puerum in flumine Eridano suffocârunt. Tum Cæli filii, quorum nobiliores Atlas & Saturnus erant, inter se partiti sunt regna patris, Atlante loca iuxta Oceanum, & Lybiā usq; & fretum Gaditanum contigerunt, ubi mons Atlas & gentes Atlantes ab eo dictæ sunt in Mauritania. Saturno vero Sicilia ac Libya obuenerunt, qui & postea exodus à suis ob tyrannidem in patrem Cælum commissam, fugit in Italiā, ibi à Iano particeps regni factus. Quia autem Diodorus citat, primum apud Atlantes regnasse Cælum, hominesq; antea per agros dispersos ad cætum condendasq; vrbes ab eo exhortatos esse, certum est, antiquissimos hos reges esse, fuit enim Atlantis filius Atlas, pulso fratre Hespero, rex Iberie, quæ post Hispania est dicta, anno post diluvium uniuersale 738., Hespero in Etruriam fugiente, ubi factus est Iani tutor. Aius Atlantis Elius in Phœnicia regnabat anno à diluvio 662. Et testatur Diodorus hos reges insignem prudentiam ex natura rerum & contemplatione nactos, simul & humanitati ac pietati assuefactos esse, ut merito dicat Diodorus, Atlantides tum pietatis, tum erga aduenas humanitatis præ cæteris gentibus laudem tulisse, quando vix 22. aut 23. generatione completa, multæ continentis partes hominibus adhuc vacuae erant. Habuit Atlas plures filios, sed unum pietate ac in subditos iustitia humanitateq; insignem, quem Hesperum appellauit, qui cum in Atlante cacumen ad scrutandos astrorum cursus ascendisset, subito à ventis correptus, nequaquam amplius visus est. Sic Diodorus; sed ego ut dixi regem in Iberia fuisse inuenio, adeoq; ventis secundis in eam traieciisse, ubi ita prudenter & piè vixit, ut cum à fratre in Etruriam fugisset, ob insig- nem sapientiam & prudentiam, in Iani tutorem & regni administratorem sit constitutus, quæ munia frater eius Atlas post Hesperi mortem suscepit. Hunc Atlantem tam insignem eruditione, humanitate ac sapientia virum mihi imitandum proposui, quo ad ingenium & vires suppetunt, Cosmographiam veluti ex alta animi specula contemplaturus, si forte aliquid veritatis in rebus nondum percognitis rimari possem, quod ad sapientiæ studia conferas. Et ut Cosmus omnium rerum numerum, species, ordinem, harmoniam, proportionem, virtutes & effectus continet, ita à creatione incipiens, partes eius omnes, quatenus methodica ratio postulat, iuxta creationis ordinem enumerabo, & physicè contemplabor, quæ causæ rerum innotescant, ex quibus scientia constat, ex scientia, sapientia, quæ ad bonos omnia fines dirigit, ex sapientia prouidentia quæ finibus facilem viam præstruit: hic erit mihi scopus omnium, deinde de suo ordine tractabo cælestia, mox astromantica, quæ ad diuinationes ex astris pertinent, quarto ele- mentaria, deniq; geographicæ, sic totum mundum tanquam in speculo proponam, ut ad inueniendas res rum causas, sapientiam & prudentiam assequendam, sint aliqualia rudimenta, & lectorem ad altiores speculationes ducere possint.

# STEMMA ATLANTIS

*Ex Eusebi præparatione Euangelica lib. 1. cap. 7. quod ille annotauit ex Sachoniatone Phœnico historico, à Philone Biblio ad verbum verso. Et partim ex Diodoro Siculo.*

